

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCXXXV.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCXXXV.

CHARTA CONRADI COMITIS FRIBURGI ET NOVO-
CASTRI DIE XVI. DECEMBRIS A. MDCCCXCIX. DE AVO
SVO LUDOVICO COMITE NOVO-CASTRI ET SUO
AVUNCULO JOHANNE AB ARBERG DOMINO
VALANGINI.

A N N O M C C C C I X.

*Copia Authentica adest T. XV. Msc. Stematographia Helveticae pag. 518. in fol. in Bi-
bliotheca Liberi Baronis Zur-Lauben de Thurn & Gestelenburg, Marjcalli
Regiorum Exercituum.*

Nous CONRAD Comte de Fribourg & de Neufchâstel faisons savoir
à tout que comme lors de noble memoire Messire Johan d'Arberg
Sire jadis de Valangin feu nostre oncle fut En la foy & hommage de No-
ble & puissant Seigr. Monf. Loys jadis Comte & Seigr. de Neufchâstel,
nostre grand pere Cui Dieu pardoint apres le trepassement de feu bon-
ne memoire Monf. Raoul jadis Comte & Seigr. de Neufchâstel enssim
comme contenu est aux Lettres sur ce faites, desquelles la premiere
Ligne se commence *In Nomine* & se finist, & à la derniere se commence
presentibus & se finist *tertio*, & sont feelez des Seelz doudit Messire
Raoul, & de Johan & de Richard, ses oncles, de l'official de la Court
de Lofanne, de Monf. Johan Seigr. de Joux & de Pierre de Blonay, &
est la date dicelles au mois de juillet l'an mille trois cent & trois des-

quelles nous En avons unes par devers nous, & nostre bien aymé frere Guillaume Comte d'Arberg & Seigneur de Valangin, en hat vnes autres par devers luy & des choufes contenues aux dittes lettres, led. feu Meffire Johan pere doudit Guillaume nostre frere en fut en la foy & hommage Liege doudit Monf. Loys nostre grand pere, Et en apres enchut en accroiffance doudit fyez le Bourg de Valangin, Et les habitant au dit bourg Enffim comme nous En avons Esté pleinement & dehuement Enformez, desdittes choufes, pour ce est qui nous le dit Conrad avons baillez & outroyez, & nous avoir baillez & outroyez Confessons pour nous & pour nos hoirs, en fyez & hommage Liege interposition de mains & baifer de Bouche, Et toutes Solemnitez a ce requerues, entrevenant audit Guillaume nostre frere, pour luy & pour Ses hoirs & Successeurs les choufes contenues & declarees aux lettres fudittes de l'ancien fyez & En accroiffance d'jceluy fyez le Bourg de Valangin, & les habitans d'jceluy Bourg de quelque Condition qu'ils foyent, item, les Rayes des Jours devers bize entre les Limitations & apres escriptes, c'est a favoir dois Montmolin tendant contre mont la vie des moles, & dois en qu'il tendant a la pierre grife croisie dessus le Crous des moles & dois en qu'il tendant au Croux de la Louatiere, & dois en qu'il tendant a une pierre Croiffé estant bonne (a) plantée au préz du Cur, qu'il est aux hoirs Henry de Montmolin, Et dois En qu'il tendant a une Sauge Croifée qu'il est En la signole, puis dois en qu'il tendant ou Roichet Croisie qu'il est entre deux signoles, Et dois en

(a) Voyez le *Dift. Hist. de la Suisse* par M. LÉU sur ces differens endroits du Comté de Neufchatel & de celui de Valengin par ordre Alphabetique.

qu'il tendant en l'autre de Nitel, & dois En qu'il tendant aux portes de L'ofcle, Et vn moitié de L'oucle, & aussy doit le fond de Locle En aval Envers le vent, & tirant, dois en qui vers le doul devers vent contre le Gudebach, & entre deux tanque a Gudebach, & le Gudebach, & dois le Gudebach avec le Loncloz. Item que le Gens de nostre dit frere Guillaume Comte d'Arberg, & Sire de Valangin dou Vault de Rouhe de la Saignie, & de Lonclos qui ores font ou feront au temps aduenir soient finuz dou partage de Loucle par Enssim comme amiablement de grace speciale le dit feu Monf. Loys l'avoit ouftroyé au dit feu nostre oncle Messire Johan Sire de Valangin, & a donné aussy par telle maniere, qu'ilz ne soient tenuz payer des ores en avant riens de peai-ge au dit lieu de l'onclos, Mais que pour la forme maniere, Et cas que les gens qu'ils se appellent les Royes le payent, & ont accoutumé de payer a Neufchastel, c'est a scavoir que les devant dit gens, dou Vault de Rouhe de la Saignie, & de Loncloz ne doivent point payer dudit piaige des Bestes, du Bled, de vin, de drap, ou d'autres choufes qu'ils auroint achepté de leurs propres depens, Et pour les vz de lour, de Lour hostel Et de lour maignie sans fraude, Et sans baratz, Et de toutes les choufes qu'ils auroint acheptées pour vendre a autruy, ils doivent Et sont tenus de payer le dit piaige, ce fait & adjouffez aus choufes dessus dittes, que nostre dit frere s'est consentu & ouftroyé pour luy, & pour ses hoirs, que nous & nos hoirs, ayens & puiffens avoir, mettre & tenir toutes fois, que a nous plaira, un ou plusieurs de ses hommes, ou autres personnes qu'il nous plaira, nos Messagers audit Lieu de Loncloz pour recouvrer, & Recevoir notre dit piaige des gens Et des Biens passant par le Lieu dudit Loncloz, exceptéz des gens de nostre dit

frere, Sire de Valangin du Vaulz de Rouhe de la Saignie, & de Lonclotz, leſquelz en doivent Eſtre quittes par la maniere deſſus declarée, Promettant nous Conrard pour nous & pour nos hoirs eſtre bons Leaux & feaux Envers ledit noſtre frere Sire de Valangin, Et a ſes hoirs ſon honour ſon proffit, procurer, & aduancer, & ſon honte & dommage devincir, deſtourber, & abaiffer a noſtre pouvoir, & ledit fiez deſſendre bien, & Leaument Enſi comme natures dou fiez Liege le requiere & bon & Leaul frere doit faire obligant nous Et nos hoirs au dit noſtre frere Sire de Valangin, & a ſes hoirs a toutes les chouſes auxquelles bon & Leaul Sire eſt, & doit eſtre obligé Eſtreint & Entenu a ſon Vaulz, de droit de Coutume & de Loy, promettant nous Conraud conte deſſus dit par noſtre ferment pour nous & pour nos hoirs, toutes les chouſes declarées Eſdites lettres de l'ancien & nouvel fiez Enſemble les chouſes ci deſſus dites fermement tenir & garder & accomplir ſans faire ou venir en contre, en aucune maniere par nous ou par autre au temps aduenir, ne a aucuns qu'il vouldroient venir a Lencontre ne feront conſentans laiſiblement ne En apert, renonceans en ce fait de noſtre certaine ſcience par la force de noſtre ferment donné a toute & ſinguliere exception allegation & deſſence tant de droit de fait comme de couſtume par leſquelles l'on pourroit venir contre les chouſes deſſus dits, ou a aucunes d'icelles, Et a la Exception de la chouſe autrement faiſte que Eſcrite & a droit diſant generale renonciation ne Valoir la Eſpeciale ne precede, Item Nous le dit Conrad avon baillé pour nous & pour nos hoirs audit noſtre frere & a ſes hoirs ſire de Valangin les foires qui ſe tienent au dit Bourg de Valangin comme feu Monſ. Loys les avoit baillé

a feu Messire Johan Sire de Valangin, En Temoignage de laquelle nous Iedit Conraud le Seel de la cour de Laufanne, ensemble les nostre avons Requis, Et fait mettre a nos prieres en ces Lettres, Et nous official de la Cour de Lozanne aux prieres & requestes doudit Monf. Conraud Comte de Fribourg & de Neufchastel, a nous seablement rapportez par simon de la Bruette juré de la Court de Lauzanne nostre seel de nostre dite Court, avec le Seel doudit Monf. Conraud avons Commandé mettre En cette donné a Neufchastel le Seiziesme jour du mois de decembre l'an de nostre Seigneur Courant mil quatre cent neuf, present a ce Nobles hommes Vaulchier de Colombier, le Seigr. de Valincourt, Et Messire Conraud, Thiebould Chevalier, Petina faulque, Jacquet Lambert avouhier de Fribourg, Emerniche Henchy, Matthiac de Borne, & plusieurs autres Temoins a ce appellees & Especialement requis l'an & jour que dessus.



CCCXXVI.

TRANSACTIO BERNHARDI MARCHIONIS BADENSIS
CUM FRIDERICO OCHSENSTEINIO DE DIMIDIA
PARTE CASTRI OCHSENSTEIN.

ANNO MCCCCXI.

Ex Originali.

Wir BERNART von Gotts Gnaden Marggrave zu Baden dünt
kunt vnd bekennent aller menglichen als wir vnd der Edele
Friderich Herre zu Ohffenstein lange Zyt in Vygenschaft spenne vnd
Cod. Dipl. P. II. H